

Home > Nasional > Penduduk risau dakwaan berlaku pencemaran sungai di Pekan

NASIONAL

Penduduk risau dakwaan berlaku pencemaran sungai di Pekan

Oleh **Zazrina Zainuddin** - 2 September 2024




Gambar pencemaran Sungai Teritip yang tercemar Sumber : media sosial

KUANTAN – Satu hantaran di media sosial mengenai kejadian pencemaran yang dikatakan berlaku di Kampung Serun dan Chekeroh di Pekan menimbulkan kekusaran penduduk.

Dalam hantaran itu, turut dikongsikan gambar beberapa anggota dari Jabatan Alam Sekitar (JAS) serta Bomba dan Penyelamat (HAZMAT) dipercayai di jalan Leban Chondong – Pekan sedang melakukan siasatan di lokasi tersebut.

“Kes baru berlaku. Ada orang yang tidak bertanggungjawab telah membuang gas/bahan kimia beracun mungkin membahayakan kepada kita semua. Jadi berhati-hatilah,” kata hantaran tersebut.



KEPADA SEMUA RAKAN2 DAN MASYARAKAT SEMUA PERHATIAN YA!!!

Ambil Perhatian sikit ya ini KES BARU BERLAKU ADA ORANG YG TIDAK BERTANGGUNGJAWAB TELAH MEMBUANG GAS/BAHAN KIMIA BERACUN MUNGKIN MEMBAHAYAKAN KEPADA KITA SEMUA JADI BERHATI-HATILAH --

KEJADIAN NI BERLAKU DI KG.PALAS JALAN MENUJU LEBAN CHONDONG KE PEKAN YA...JIKA MELALU JALAN TERSEBUT TUTUP LAH HIDUNG SEMENTARA KERANA BAHAN NI TERSEBAR MELALUI UDARA

Sumber : Facebook Warga Kuantan OFFICIAL

Setakat berita ini ditulis, MalaysiaGazette masih belum memperoleh maklum balas daripada JAS bagi mengesahkan kejadian tersebut.

Sementara itu, memetik laporan sebuah portal media tempatan, Tok Batin Kampung Serun, Rosalin Hak telah membuat laporan polis di Balai Polis Nenasi susulan aduan penduduk yang tali air di kampung mereka tiba-tiba berubah menjadi hitam dan mengeluarkan bau busuk.

“Apabila saya sendiri pergi ke tali air tersebut, saya dapati apa yang dilaporkan adalah betul, jadi saya mengambil keputusan untuk membuat laporan polis,” kata Rosalin. – MalaysiaGazette



Artikel Popu



Nasional
Kedai to
RM45.00

